

S **LO**
Afl. 1.25

BRIYANDO FUERTE • TRECIENDO CLARIDAD
DIALUNA 22 APRIL 2024

Di Pueblo

SOLO SALUD
**DEMASIADO JUNK
FOOD POR CAUSA DAÑO
CELEBRAL DURADERO**



WWW.SOLODIPUEBLO.COM



SOLODIPUEBLO@GMAIL.COM

Ronda nobo di caso Avestrus ta cuminza
13 di Mei 2024;

**E CORUPCIONNAN CU
TERENO DI BENNY Y SU
TEAM DI AVP**



**PATRICK PASKEL SU
IMPOTENCIA PERIODISTICO**



**EXITOSO ANOCHI DI PREMIO
EXCELENCIA DEN DEPORTE**

A OTORGA RECONOCIMIENTO
NA E ATLETANAN CU A DESTACA
DURANTE AÑA 2023



**2 AUTO INTENCIONALMENTE
KIMA NA POS CHIKITO**



**CONTRARIO NA
BENNY SEVINGER,
OTMAR ODUBER NO
TIN NIUN ACUSACION
OF SENTENCIA
CONTRA DJE PA
YUDA COMPINCHE Y
SPONSORNAN**

PORFIN PROME MINISTER A TUMA OVER PARTI DI MANEHO DI MEDIO AMBIENTE PERO AINDA NO TA MIRA UN VISION OF MANEHO STRUCTURA

Otmar Oduber por a tuma nota di declaracionnan di Prome Minister y e ta sumamente contento di por a scucha e urgencia cu tin pa atende cu e crisis di RWZI caminda cu sigur e plantanan na Bubali y Parkietenbos ta sumamente deficiente.

Oduber ta contento di mira cu Prome Minister ta asumi su responsabilidad y hasta por bisa cu a tuma over esaki for di minister di Medio Ambiente cu no por a ehecuta un plan y no tin un vision riba e tereno aki.

Tambe Otmar a gradici cu Prome Minister a scucha e critica cu Plataforma Nos Pais a trece dilanti pa no bay crea un otro cobranza di 15 of 20 Dollar na porta cerca nos turistanan. E por a compronde for di declaracionnan di e mandatario cu intencion ta pa bay Parlamento cu un ley pa crea un instituto totalmente separa. Esaki ta un idea cu e Plataforma ta sostene totalmente y cu ta e plan cu tabata bezig ta wordo ehecuta na 2019. Lo bay cobra un suma atraves di e Environmental Levy

cual na e momentonan aki ta 3 Dollar, pero ainda Oduber no sa cu cuanto gobierno tin intencion di subie.

“Riba su mes e no ta un mal idea, pero e ta inhusto tegerover di tur otro hende. Por ehempel, na restaurantnan tur hende ta laba man ora nan caba di come of ta haci uzo di e baño, e ora restaurantnan tambe lo por cobra e levy aki? Pasobra den e ley ta poni cu solamente cambernan di hotel por cobre. Igualmente otro establecimentonan



manera supermercadonan y tiendanan tambe lo por pone riba nan recibo cu nan por cobra un environmental levy pa uzo di baño cu nan tin?”, Otmar Oduber ta expresa y ta agrega cu esaki ta muestra cu gobierno no ta serio den e aanpak pa resolve

e problematica. Ta tira un cos cu ta muestra facil, pero ta crea un inhusticia riba nos pais, creando desigualdad. Igualmente e ta puntra kico lo bay pasa cu e hendenan na cas, esnan cu tin beerput na nan cas, cu ya caba ta paga pa chica nan pos?

Finalizando Otmar ta bisa cu en berdad mester yega na un solucion pa loke ta RWZI, pero gobierno no tin un vision, maneho of plan structura pa para tras di dje.

Repasando e acusacionnan den Avestrus

ACUSACION CONTRA BENNY: ACCEPTACION Y OF A PIDI Y HAYA REGALO

Dia 13 di Mei 2024 Benny lo ta bek den corte di beroep. Awe SOLO DI PUEBLO ta repasa e acusacionnan contra Ex Minister di AVP, segun e demandanan di fiscal den punto 7.2

****Naturalesa di Regalo:****
Ta cla cu transaccionnan di suma di placa y pago di remodelacion na un cas ta wordo clasifica como regalonan segun artikulonnan 2:350 y 2:351 di ley, of articulonnan 378 y 379 di e buki di strafrecht bieuw. Un regalo ta cualkier entrega di algo di balor na e funcionario den e caso aki na Ex Minister Benny Sevinger. Den e caso aki ta trata remodelacion di cas haci dor di su amigo cu ela faborece, esta Sussebeek.

****Acceptacion** y

Pidimento di Regalo:**
E dossier (documentonan) di straf di caso Avestrus ta muestra cla y rapsa cu Sievinger a accepta regalonan. Tambe, Sievinger a pidi (indirect) regalonan na diferente momento. Esaki ta implica cu Sievinger a pidi regalonan y tuma regalonan y accepta regalonan cual ta haciele castigabel segun articulonnan 2:350 y 2:351 di ley.

****Balor di e Regalo:****
E regalo no mester ta substancial pa wordo considera como tal. Incluso un favor of regalo chikito por ta suficiente. No tin un exigencia di mutuo cooperacion. Den e areanan publico di un

funcionario, manera un minister, e acceptacion di un regalo minimal ta perhudicial pa e integridad di gobierno.

****Responsabilidad di e Funcionario:****

E regalonan mester ta di balor pa e funcionario concerni. Funcionarionan mester compronde cu e regalo a wordo duna pa move e ex minister pa hasi un contra-prestacion, den e caso aki, ex minister a duna multiple tereno na campañadornan di AVP, na Leoncita Arends, na Gabi Werleman y na hopi otro mas, pa cual nan bende pa suma mionario.

****Deber di Investigacion:****
Funcionarionan tin



e deber pa investiga e motibo di e regalonan, specialmente si nan ta sconde un posicion caminda nan ta vulnerable pa wordo cumpra.****Evaluacion di Intenshon:****
E magnitud naturalesa di e regalonan, e momento di duna nan y intencion di e dunador ta factor pa

determina intencion na banda di e funcionario.

****Conclusion:****

Incluso si no tin un contra-prestacion concreto, e construccion of mantencion di un relacion preferencial por wordo considera como corrupcion segun artikulonnan 2:350 i 2:351 Sr.

EDITORIAL

Ronda nobo di caso Avestrus ta cuminza 13 di Mei 2024; E CORUPCIONNAN CU TERENO DI BENNY Y SU TEAM DI AVP

Dia 13 di mei lo cuminza un biaha mas e caso Avestrus, pero e biaha aki den apelacion. E ex minister Benny Sievinger y su colaboradornan, coordinadornan, votadornan, campañadornan, y friends & family lo mester duna cuenta un biaha mas pa nan actonan corrupto.

Detayenan di e caso:

E caso ta bay tocante cumpramento pasivo di Sievinger. Cumpramento pasivo ta prohibi pa funcionarionan publico, y e definicion ta di importancia pa determina si un tarea gubernamental ta wordo ehecuta cu integridad, sin faborecimiento.

Tanto Sievinger como su coordinadornan ta

wordo considera como funcionarionan y nan ta consenti esaki. Nan a permiti e faborecimiento pa nan votadornan y friends & family.

E fayto di e debenan manera deskribi den articulonan 2:350 i 2:351 di codigo di Strafrecht ta central den e acusacion. Por papia di soborno. Ta duna e minister algo, pa haya algo for di e minister.

Den conflicto cu deber:

E acusacionnan ta inclui diferente forma di cumpramento pasivo, caminda ta rekeri cu e funcionario tabata sa of razonabelmente ta sospecha cu regalo a wordo duna pa move e minister pa no cumpli cu su deber.

E distincion entre accionnan cu ta contrario na e deber di funcion y accionnan cu no ta contrario na e deber ey ta alarece den practica y jurisprudencia, den setencianan anterior igual na e caso aki.

Husticiatapon enfasisriba e influencia di regalonan riba e comportacion publico, caminda ta spera cu funcionarionan ta atua cu honestidad, integridad y neutralidad. Sentencianan reciente di Hooggereschtshof y Tribunal comun di Hustisia ta confirma e trayectorianan aki, caminda integridad y neutralidad di funcionarionan ta central.



Clasificados

Icons representing various services: car, house, shopping cart, briefcase, tools, and people.

Image of a person reading a newspaper with the word "CLASSIFIEDS" on it.

SOLODIPUEBLO@GMAIL.COM
CEL. 585 9500

SOLO Di Pueblo



AMI
CUBO

ONLINE LIVE SESSION

PIA DIABETICO

YURI CASSERES

Ciruhano general

DIAMARS

23 DI APRIL 2024

ORARIO: 11AM

LUGA: FACEBOOK HOH ARUBA



NOS SEMPER T'EY!

CASO AVESTRUZ TA PONE LUS RIBA MULTIPLE REGALDONAN CU BENNY (AVP) A RICIBI PA FIX TERENO

Den e caso di Avestruz cu ta sigui dia 13 di Mei 2024, Fiscal ta acusa Benny di a pidi y haya placa regalo via su fundacion y netamente es personanan ey a haya tereno di Benny.

Ta increibel cu Sevinger no tabata na altura di e personanan y negoshinan tras di e diferente regalonan y donacionnan na su Fundashon Curason Berde FCB, asina testigonan a bisa.

Benny a declara cu e no sa ken ta esnan cu a transfer placa di donacion den cuenta di su fundacion. Husticia no ta kere e storia

aki. E regaldonan aki a bini di entre otro personanan cu Sevinger ta considera como bon amigonan y conocirnan. Ademá, e regalonan ta procedente di diferente empresanan, incluso e mesun empresanan cu despues a pidi derechonan di erfpacht via e oficina di Minister Sevinger. Esaki ta hasi e alegacion di Sevinger cu e no tabata sa cua empresanan tabata tras di donacionnan, no creibel y no relevante, pasobra e empresanan mes tabata e dunadornan di e regalonan.

Testigonan tambe a declara tocante con e regalonan y donacionnan a wordo maneha. Tanto Every como Pimienta a declara cu donacionnan tabata wordo maneha directamente via Sevinger of su secretaria. Sinembargo, ta remarcabel cu e secretaria di Sevinger no tabata na altura di ningun donacionnan door di e empresanan aki na Fundashon FCB. Pues e secretaria a tira tur culpa directo riba Benny. Esaki ta pone peso riba Sevinger, cu ta

Sevinger mes tabata regla e donacionnan, specialmente esnan di Pristine (Holiday Inn Hotel) y e diferente empresanan cu ta pertenece na comerciante Harms. Comerciante Harms a paga 2.4 miyon dollar pa cumpra tereno dilanti Waf, cual antes tabata e magazijn di Dow y awendia ta unda e tram ta pasa. E placa aki a wordo haya riba cuenta di Sussebeek na un banco na Curacao. Sussebeek ta intimo amigo di Benny. Pues tereno di pueblo ta bay pa Benny su friends y na su turno ta bende pa miyones.



Den caso di Holiday Inn, Benny a ricibi full un fiesta pa su yiu muher di 15 aña, cual tur drinks y cuminda a wordo regala na Benny. Di otro banda Benny a fix Holiday Inn cu 300 kamer mas di hotel. Dia 13 di Mei 2024 e caso ta continua, unda Benny kier pidi libertad y fiscal ta pifi castigo di 5 aña pa Benny.

LOGRONAN GRANDI PA ABUSO DI MUCHA: AUMENTO DI CASTIGO Y EDIFICIO SPECIAL PA INVESTIGACION

SOLO DI PUEBLO a analisa e tematica di abuso di mucha y a dobbel check kico tur a wordo haci pa e tema aki. Por constata cu Gabinete Wever Croes 1 y 2 a atende e tema debidamente y tin avansenan nunca antes visto. Gobierno a tuma e paso di mas importante den lucha contra abuso di mucha: Dia 26 di juni 2020, a trata e ley di abuso mucha unda nan a aumenta castigo pa abusadornan. Castigo minimo: No ta consehabel impone un castigo minimo, pasobra esaki por duna libertad na pedofiernan. Den caso di castigo minimo, hues tin cu tuma desicion entre libertad of castigo minimo. Un castigo automatico no ta existi den hustisia hulandes, pasobra semper mester tin un hues pa husga. Ningun hende kier wak un pedofiel liber, pesey mes castigo

minimo ta irresponsabel pa wordo introduci. Gobierno tambe a traha riba varios aspecto pa combati abuso di mucha:

- Instalacion di un sala di entrevista nobo pa JZP
- Invercion den entrenamiento pa tur investigador di delitonan inmorale ta bira certifica
- Family Justice Center a organisa hopi training pa e sector social y hudicial den lucha contra abuso di mucha
- Introduccion di plan nacional di conshientisacion “Mi mesun Heroe”
- Introduccion di medicina forense pa prome biaha den historia
- Adaptacion di maneho y aworaki di guianan di Ministerio Publico pa bira mas estricte
- Aumento di castigo

Na juli 2024 e edificio di Family Justice Center lo ta cla y por atende investigacionnan di abuso di mucha den un ambiente prepara pa esaki. E edificio lo conta cu:

1. Salanan di entrevista
2. Espacionan amistoso pa muchanan
3. Sala di entrevista studio
4. Sala di control
5. Kamber di detencion pa sospechoso
6. Sistemanan di seguridad di camara
7. Sistemanan di intercom
8. Espasio di tratamiento pa medico forense

Di e manera aki por conclui cu Gobierno a cumpli cu tur guianan relata na investigacion di casonan di abuso di mucha na Aruba. Pa condena un abusador y pe haya castigo halto, mester tin prueba. Tur cos tey awor pa un bon investigacion. Esaki lo conduci



na castigonan mas halto, y cu e aumento di castigo, por bisa cu a cumpli cu e tarea aki. Sinembargo, no ban focus riba victima! Ban preveni cu mas victima cay. Cuida bo yiu! Abusadornan ta den famia mes!

CONTRARIO NA BENNY SEVINGER, OTMAR ODUBER NO TIN NIUN ACUSACION OF SENTENCIA CONTRA DJE PA YUDA COMPINCHE Y SPONSORNAN

Otmar Oduber a comenta riba declaracionan di miembro di Parlamento pa AVP, Benny Sevinger cuestionando maneho di Oduber pa loke ta desperdicio di sushi.

Otmar ta indica cu e Plan Nacional pa maneho di desperdicio di sushi a wordo traha na 2018 y a wordo carga door di tur gremio na Aruba, incluyendo e comision di bisiñanan di Parkietenbos y vecindario. A ehecuta ‘al pie de la letra’ e plan aki y caminda a cera e dump di Parkietenbos y cu solamente por a deposita material grof eynan, a bin cu e solucion temporal pa 2 aña y mey na Ser’i Teishi y hasta a haci e destaho publico na nivel mundial cu participacion di mas di 18 compania di henter mundo pa incinerator. Lamentablemente esaki a para pasobra Parlamento di Aruba te dia di awe pa motibo di metemento den politica y influencianan externo no a pasa e ley di Serlimar. Es decir, e ultimo fase den cual mester a bin un incinerator pa Aruba ta pega ainda.

“Sr. Benny Sevinger den su declaracion tin e cohon di bay bisa cu Otmar Oduber no a termina cu ehecusion di e plan cu mi mes persona a laga traha como minister e tempo ey na 2018 pasobra mi mester a complace compinchenan. Benny Sevinger tin cu corda cu e ta unico politico, minister y actualmente miembro di Parlamento

cu ta condena na un aña di prizon pasobra el a bay yuda compinche, el a bay yuda amigonan”, Otmar Oduber a declara y ta agrega cu den e acusacion falso cu tin contra dje den e caso Flamingo, no tin ni un acusacion di lo a ricibi placa of a wordo soborna cu placa of a duna placa pa cualkier cos por a tuma lugar.

“Lo ta bon pa Sr. Benny Sevinger cuminsa haya cuer’i cara y realisa cu tin un sentencia contra su persona y cu e no por cana acusa tur hende den comunidad haciendo politica oudenwets cu semper a wordo haci di purba acusa oponentenan politico”, Otmar Oduber a conclui. A yega ora di pone probecho personal un banda y caba di ehecuta

un plan bon hinka den otro cu a keda forma na 2018. E ley di Serlimar pega ya caba pa 5 aña den Parlamento mester worde trata y ehecuta. E ley ta haci Serlimar mas independiente, auto financiero y ta crea e espacio pa un solucion duradero mediante e proceso di un incinerator, siendo un “proven technology”.







Nos ta warda bo den bo bario. Ban Topa!

SANTA CRUZ



7 MEI
Diamars



CEDE
Mep



INVITADO
Setty Christiaans
Shannon Henriquez
Edgard Vrolijk
Evelyn Wever-Croes



6:30-9:00
PM



LO TIN
Refreshments



TOPICO
Tarea di parlamentario
Ley di kinderopvang
Presidencia di Parlamento
Recuperacion y retonan

Ban Topa ta un programa informativo den diferente bario cu e meta pa informa, delibera y contesta diferente pregunta di comunidad riba diverso topiconan cu ta regarda nan bario y nos pais **ARUBA!**

Minister Endy Croes:

DURANTE E EXITOSO ANOCHI DI PREMIO EXCELENCIA DEN DEPORTE A OTORGA RECONOCIMIENTO NA E ATLETANAN CU A DESTACA DURANTE AÑA 2023



entrenado deportivo, a reconoce cuater (4) atleta elite y a rindi homenahe na dies (10) baluarte deportivo cu a dedica gran parti di nan bida na e desaroyo di deporte di Aruba. Ademas, Premio Excelencia den Deporte a reconoce cuater (4) atleta olimpico cu a ricibi un certificado y pin di Olympians for Life (OLY) for di man di presidente di Asociacion Arubano di Atletanan Olimpico Sr. Isnardo Faro pa nan gran trayectoria y promove e balornan olimpico. Fuera di esaki, a otorga reconocimiento na e atletanan Arubiano cu a participa den e Seleccion di Hulanda den campeonato internacional di baseball y softball.

Presente na e ocasion special aki tabata Prome Minister Evelyn Wever – Croes, acompaña pa su distinguido esposo Sr. Kenneth Wever, Minister Endy Croes acompaña pa su kerida esposa Sra. Dilailah Croes y Minister di Enseñansa, Ciencia, Cultura y Deporte di Curaçao Sr. Sithree van Herdoorn. Tambe e gran anochi aki a conta cu presencia di Presidente di Parlamento mr. Edgard Vrolijk y Parlamentarionan Shailiny Tromp Lee, Alvin Molina y Marcos Berlis.

E magno evento deportivo aki, a inicia cu recorrido riba e “red carpet” di e nominado, mayor- y invitadonan special, unda por a saca potret como recuerdo di Premio Excelencia den Deporte 2023. E famoso cantante Eltienne Yarzagaray a inicia e gran evento di gala aki, interpretando Himno di Aruba na un gran forma. Presidente di Comision Excelencia den Deporte 2023 Sr. Kenneth Vrolijk a duna un discurso, sigui pa discurso di Prome Minister di



Aruba Sra. Evelyn Wever – Croes y Minister di Enseñansa y Deporte Sr. Endy Croes. Despues a sigui cu un bunita show di apertura presenta pa e bailarinanan di NLG y NTG di Sra. Marisol Peña. E momento mas emocionante di e anochi aki tabata ora cu a presenta e ganadonan di Premio Excelencia 2023:
Atleta Paralimpico 2023
Edgar Ridderstap

Atleta Special Olympics 2023
Sharman Diaz

Atleta Rising Star Femenino 2023
Amalia Tromp

Atleta Rising Star Masculino 2023
Kailen Wouters

Atleta Nobato Femenino 2023:
Alyna Henriquez

Atleta Nobato Masculino 2023:
Jadel Carrasquero

Atleta Femenino 2023 U-13
Eva Kock

Atleta Masculino 2023 U-13
Zion Angela

Atleta Femenino 2023 U-18
Mikayla Morales

Atleta Masculino 2023 U-18
Braynsly Dirksz

: Diabierna anochi, den e prestigioso ballroom di Renaissance Convention Center, a tuma luga Premio Excelencia den Deporte 2023, unda cu a reconoce e atletanan cu a sobresali den nan disciplina durante aña 2023. Un anochi magico yena cu emocion y alegria, unda a honra 150 atleta nomina, a reconoce binti (20)

Secretario General di MEP:

DESPUES DI A CORUMPI Y HUNDI ARUBA TA DECLARA MIKE EMAN UN BANDIDO MENTIROSO Y PELIGROSO

Prome cu tur cos nos mester recorda pueblo di e actonan di Mike Eman pa nunca, pero nunca mas pueblo duna AVP un voto di confiansa. E solo echo cu AVP a ABUSA di e confiansa cu pueblo a yega di dun'e na aña 2009 y 2013 no por ripiti. Nos lo percura pa keda recorda pueblo di e berdadero cara di AVP.

Prohibi pa lubida e logronan di AVP:

Algun logronan di AVP y Mike Eman durante nan gobernacion di e periodo 2009-2017, cual pueblo hamas por lubida ta entre otro, e logro grandi di Mike Eman y AVP kendenan a presta 2200 mil miyon den 8 aña sin cu tabata tin un pandemia na mundo redoblando asina e debe di Pais Aruba pa konkista e medaya di oro y e apodo "Mega Debe di AVP". Mike Eman y AVP a logra e interes record pa Pais Aruba di 260 miyon pa aña riba e placanan cu gobierno di AVP a presta. Fruta di e Mega Debe! Danki Mike Eman. Interes di 260 miyon florin pa aña ta igual na 712 mil florin tur tur dia, 365 dia pa aña cu e pueblo aki mester paga. Masha danki Mike Eman! (Pensionadonan tene boso curason). Cu e logro aki Mike Eman a expresa den Parlamento di Aruba lo siguiente: "Mi ta orguyoso di e debe y e debe t'ey pa

henter pueblo bay pag'e." Na aña 2050 nos lo caba di paga e debe di Mike Eman, pues a mara 6 termino di gobernacion pa paga e debe di Mike Eman y AVP. Ki sentimento di orguyo di Mike Eman y AVP despues di a desgracia e finansas di Pais Aruba. Mike Eman y AVP a logra bin cu e ley di LAFT pa Aruba (2015). Mike Eman y AVP a logra ranca y chica 201 miyon florin di nos companianan estatal, poniendo e companianan aki den un posicion financiero hopi debil. Mike Eman y AVP a logra Hedge WEB, cual desicion cu a costa pueblo y WEB 300 miyon. (Puntra Mike de Meza). AVP y Mike Eman a logra regala Richard Arends un ex-minister y e brain di AVP a traves di su compania "Horizon Consultancy" un bunita suma di 4 miyon florin mas un tereno na Malmok. AVP y Mike Eman a logra regala e portabosnan di AVP, esta Speed Andrade Patrick Paskel, un bunita suma di 8 miyon florin pa haci propaganda pa gobierno di AVP 8 aña largo (bida dushi a caba). AVP y Mike Eman a logra corumpi y "mafia" RDA 20 miyon florin. (Rapport Forensico ta na Ministerio Publico en espera accion). AVP y Mike Eman a logra regala Patricia Dowers, casa di Arthur Dowers, 400 mil florin pa duna conseho (puntra Athur Dowers y lag'e splica dicon esaki

si por). AVP y Mike Eman a logra regala abogado Sjiemfat 5 miyon florin di pagado di belasting pa duna conseho (puntra Mike Eman dicon esaki si por). Mike Eman y AVP a logra regala su ruman 1.9 miyon pa 1 auto di careda (Team Aruba, puntra Mike). Mas logro di Mike Eman y AVP, kendenan a brasa corrupcion pagando Paul Croes ful un salario di minister pa 3 luna largo, mientras Paul tabata cera den KIA. Awe veredicto y sentencia den caso IBIS ta conoci. Mike Eman y AVP a brasa Benny Sevinger, kende tin veredicto di prison "strafrechterlijk" riba su cabes den caso AVESTRUZ. Mike Eman a yama votadonan bay celebra na cas di partido momento e veredicto di prison a cay pa Benny. Mike Eman y AVP a logra cu Benny Sevinger un convicto ta cobrando 10 mil pa luna den Parlamento di Aruba. Mike Eman y AVP a logra un bunita rapport di Algemene Rekenkamer bou di e nomber Bo Aruba 2018, unda a divulga e corrupcion di 1.6 biyon florin. Mike Eman y AVP a logra pone 147 hende riba payroll di un solo minister, esta ex-Prome Minister Mike Eman. Cu luz di trafico mester a cana den Cocolishi e tempo aya. Pues e "Mafia Partij" AVP y su amigonan ta bon conoci pa su casonan bochornoso y esaki hamas pueblo kier pa ripiti. Tur ta



cu prueba! Prohibi pa lubida.

Un voto pa AVP ta un voto pa un partido di bandido:

Refrescando memoria di pueblo riba locual Mike Eman y AVP a haci cu e pais aki. P'esey un hoben studia na su sano huicio nunca, pero nunca por permiti su mes subi lista di AVP pa e proximo eleccion. Lista di bandido y corrupcion. Pueblo votado tambe lo percura pa nunca, pero nunca mas hendenan cu mentalidad manera Mike Eman y AVP bini na poder pa caba di desostra e pida baranca aki cu yama Aruba. Aruba merece tranquilidad pa por sigui crece y mehora. Gobierno di MEP a demostra un bes mas cu tin e capacidad- y competencianan necesario bou liderasgo cu vision pa sigui saca e pais aki padilanti!

POLIS A DETENE HOMBER PATA PATA CU A SALI FEY BAR Y A DAL ABAO

Diabierna anochi an drenta informe di cu tin un homber pata pata cu a sali for di un bar na Kudawecha y a dal abao, mesora a dirigi un patruya na e sitio. Na yegada di e patruya a bin compronde cu e dama no a lag'e bay cu auto debi na e estado cu e homber ta y aki e homber mes a cuminsa cana y a dal abao polis a nota cu e homber ta pata pata y a dun'e un cuarto gratis pa e saca su wayaba y drecha bek.



ARUBA PRESENTE NA CONFERENCIA MUNDIAL SWSD PANAMÁ 2024

Dia 4-7 di april 2024 a tuma lugar e conferencia conhunto mundial di "Social Work, Education and Social Development" (SWSD) na Panamá, caminda diferente pais a bin hunto pa haci nan presentacion pa mundo sa tocante diferente topico den e tema: Respetando diversidad atraves di accion conhunto Social.

6 di april 2024 un bandera chikito di Aruba a ser lanta solitariamente mei mei di hopi otronan. Como unico Arubiano Faviënne Thodé a representa Aruba, trahadornan social, y muchanan di Aruba dignamente na Panamá cu e onderzoek "The Aggregated Cost of Social Services in Child Protection in Aruba".

Faviënne Thodé a gradua aña pasa na Universidad di Aruba cu e onderzoek aki y un docente a recomenda

pa aplica pa present'e na e conferencia mundial di SWSD 2024.

Faviënne a haya e grato noticia cu e comision mundial di SWSD a aproba su onderzoek pa motibo cu e ta provee un base pa defende y apoya e aumento di budget pa servicionan di proteccion di mucha. Alaves nan a haya cu e onderzoek ta uno util pa otro paisnan copia of replica.

Participantenan di diferente pais a muestra interes den y anticipacion pa e publicacion di e onderzoek pa por uz'e na nan pais.

Un grupo grandi di casi 20 participante di Curaçao tabata presente na e conferencia y a bin inmediatamente pa duna Faviënne sosten ora nan a tende cu nan hermana isla Aruba lo haci un

presentacion.

Faviënne a aprecia e apoyo di e grupo di Curaçao masha hopi mes y ta gradici e grupo di Curaçao Social Workers.

Otro aña e conferencia lo tuma lugar na Chile.

Faviënne ta hopi contento cu e luna di april ta dedica na e conscientisacion di abuso di mucha y cu e por a presenta Aruba dignamente cu su onderzoek pa nos muchanan.

E ta duna danki na prome lugar na Dios todopoderoso cu a gui'e y dun'e sabiduria y inteligencia. Danki na su mayornan, rumannan y demas famia cu a sosten'e financieramente pa haci tur esaki un realidad.

Danki na Universidad di Aruba, specialmente Clementia Eugene cu a kere den Faviënne y su onderzoek.



Tambe Faviënne ta gradici tur esnan cu di un manera of otro a apoy'e.

Faviënne su mensaje pa Aruba ta:

"Laga nos keda proteha nos muchanan for di abuso, haci bo mes consciente di accionnan cu abo por tuma pa preveni of interveni. Si

nos zorg pa e bienestar di nos muchanan, nos por conta riba un mihor futuro pa nos Aruba."

Pabien y danki na tur instancia y trahador social cu ta traha duro no solamente den april pero dia den y dia 'fo protehando nos muchanan.

2 AUTO INTENCIONALMENTE KIMA NA POS CHIKITO



Diasabra madruga a drenta informe di cu tin un auto na candela na Pos Chikito, mesora a dirigi tanto polis como bombero na e sitio.

na yegada di e patruya a bin compronde cu aki ta trata no di un pero 2 auto na candela. Como cu e candela di un di autonan a

pasa pa haci daño na e di 2 auto e habitantenan mes a hala esaki poco mas pabao pa no haya mas daño.

Na yegada di bomberonan a cuminsa paga e candela na e auto Nissan Sentra cora cual no tin ni motor ni sientanan den e auto. Bomberonan a logra paga e candela completamente. Awor lo bay busca tur r grabacionnan di camara di seguridad den e area pa asina logra saca afor ken of kendenan lo a cende e candela intencional aki.



Minister Dangui Oduber

MIYONES TA WORDO INVERTI DEN MEHORACION DI SERVICIO Y CALIDAD DI CUIDO

Minister Dangui Oduber ta hibando un maneho cu ta dirigi pa mehora calidad di cuidu y servicio. E enfoke principal ta dirigi riba:

- Mehora calidad di cuidu y servicio
- Haci inversionan continuo den cuidu
- Percura pa e fondo di AZV keda sostenibel
- Enfoca riba prevencion den salud

Den cuidu medico semper tin hopi retonan pa atende cune y minister Oduber ta atendiendo cu nan pa asina mehora e calidad di cuidu cu ta wordo duna na nos aseguradonan.

Contrario na e maneho anterior di gobierno di AVP minister Oduber ta dunando hopi atencion na inversionan den cuidu medico cu ta sumamente importante pa mehora e calidad di cuidu y servicio. Pa 8 aña largo durante Gabinete Mike Eman 1 y 2 a negligia cuidu medico. Inversionan no a wordo haci, a prepara un desaster di proyecto di hospital cu pueblo tin bai paga mas di 1 biyon florin, a negligia e oportunidadnan pa ImSan keda expande y nos a mira con cuidu medico a deteriora bao e maneho aki. No tawata tin atencion pa cuidu medico, no tawata tin

atencion pa nos grandinan, a kita 60 luna di pensioen for di nan, a introduci franchise, a introduci middeltoonregeling y mas bien tur a ser castiga pa e gobierno anterior.

Desde 2017 ora cu Gabinete Wever-Croes a cuminsa goberna por a nota cambionan grandi den cuidu medico. Na hospital awendia operacion di interventie cardiologie ta tumando lugar, na ImSan ta ofrece servicio di bestraling, a habri e 22 camanan na ImSan pa haci uzo di nan cu pa decada tawata sera sin uzo, a cumpra ambulancenan nobo y tambe a logra Arubig pa reconoce nos yuinan di tera cu a studia medicina den regio. Esaki ta algun di e logronan grandi den cuidu medico na Aruba.

Minister Oduber a tuma e decision pa aña 2024 bai inverti casi 14 miyon florin den cuidu medico.

E 14 miyon florin aki lo wordo reparti como lo siguiente den cuidu medico:

- 5.1 miyon florin extra pa Hospital
- 4.1 miyon extra pa ImSan
- 1.8 miyon pa Stichting BOB haci bevolkingsonderzoeken pa early detection di cancer di pecho
- 1 miyon pa respaldo pa



asina tuma mas profesionalnan pa atende cu problemanan di salud mental


- 1.5 miyon pa reenforza e prome liña di cuidu y tambe pa digitalisacion di cuidu medico
- Minister Oduber ta convenci cu e inversionan aki sigur lo bai contribui na mehoracion di e calidad di cuidu pa nos aseguradonan.

Cu accionan concreto minister Oduber a demostra cu e vision y maneho cu e tin ta dunando su frutonan. Nos ta kere firmemente den haci inversionan y tambe

sigur den prevencion den salud. Nos a demostra cu Aruba ja caba ta conta cu 2 Healthy Lifestyle Center, uno na Ibisa y e otro na MFA Savaneta pa asina ofrece servicio gratis na nos comunidad, na tur esnan cu tin deseo di cambia y adapta nan lifestyle. HLC a yega caba 450 cliente cu a wordo yuda pa logra cambio nan grandi y asina impacta nan bida. Minister Oduber su vision ta pa crea e movcion den comunidad pa hunto tin un comunidad mas saludabel, mas productivo y mas vital.

ACCIDENTE CU HENDE HERIDA PA FALTA DI PREFERENCIA NA PARADERA

Diabierna anochi a drenta informe di un accidente cu hende herida dilanti Domino's Pizza na Paradera, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu e chauffeur di e Volkswagen no a duna preferencia na e Yaris cu tabata riba e caminda di preferencia y a dal den dje. Debi na e impacto e chauffeur di e Yaris a resulta levemente herida. Na yegada di e ambulans nan a atende e victima.



Coach Jordy Groters di Giants Aquatics ta sigui amplia su curiculo



Recientemente, di 14 pa 19 di april, Jordy Groters, fundado y head coach di Giants Aquatics Aruba a atende un Coaches

Certification Course di ASCA(American Swim Coaches Association) Level 1, 2, y 3 na Paramaribo, Surinam.

En total, 20 coach di e paisnan Suriname, St. Maarten, St Kitts, Anguilla, Curacao y Aruba a participa na e Certification




Course aki, duna door di Chad Onken.

Cu esaki, Groters ta sigui amplia su conocimiento y su curiculo, cu ta permitie sigui desaroya su landadonan, cumpliendo asina cu e vision y mision di Gi-

ants Aquatics Aruba, cu ta encera desaroya e atleta den su totalidad, pa asina e logra e maximo cu y den su deporte. Pa bo logro, masha pabien Jordy, na nomber di Giants Aquatics!

HOPI CURASHI; DOS ATRACADOR TA COMETE ATRACO ALGUN METER DI WARDA DI POLIS



Bernhardstraat - Diabierna anochi rond di 9'or dos atracado a hinca den nan cabes pa bay atracador Citgo Gas Station, ey mes na skina di warda di polis.

Na e sitio nos a compronde cu tawata trata di dos hoben y cu nan tawata bisti na preto. Un arma di candela a wordo usa, pero probablemente debi na nervio di tawata cerca di un warda di polis no a logra bay ni cu un florin.

Polisnan cu a reacciona por bisa basta rapido, a sigui nan pero asina mes den scuridad di anochi y San Nicolas cu tin yen caya den otro a perde nan.

Atraco Team a wordo poni na altura y mester a presenta na e gas station pa tuma datos y trata na gara e dos atracadornan aki cu mas cu claro ta un menasa pa comunidad.

Na Savaneta un homber no kier a bandona cas bendi, ta ora ela nota e team special di polis ela sali scondi



Diabierna mainta a drenta informe di cu tin un persona cu no kier sali for su ex-cas, mesora a dirigi un patruya na e sitio. Na yegada di e patruya a papia cu e persona pero ni cuanto nan a papia cun'e e no a haci caso.

Ta te ora ela nota presencia di e team special a yega ela core sali scondi.

Ora patruya a drenta paden a bin descubri cu ela huy for di e sitio sin cu e polisnan tabata sa.



HOROSCOPO

16 di april 2024

Horoscopo pa dia 22 di april 2024

Feliz comienso di un siman nobo. Awe Solo di Pueblo ta presenta bo horoscopo pa dia 22 di april, 2024.

Aries

No duna dimas importancia na un olvido di bo pareha. E ultimo inversionnan cu b'a haci lo ta benéfico. Innovacion importante den e plano laboral. Bo no ta invencibel, asina ta controla bo energianan. Number di suerte: 37, 85, 8.

Tauro

No haci promesa amoroso cu bo no por cumpli. Un placa extra lo yega, manera cu a cay fo'i shelo. Bo responsabilidad lo haci cu e productividad ta aumenta. Pone den practica e tecnicanan di relacion. Number di suerte: 64, 59, 4.

Geminis

Cuidao, un amistad cu b'a ofende ta busca vengansa. Bo mester entrada nobo y menos gasto. Evitaq situacion tenso na trabao. Bo estado di animo lo mehora hopi. Number di suerte: 72, 81, 9.

Cancer

Un hende lo purba di hunga sushi cu un amigo di bo; no mim'e. E astronnan ta indica cu ta un bon oportunidad pa inverti. Tin curso interesante pa bo desaroyo profesional. Si bo ta sinti molester na bo stoma, percura pa come poco. Number di suerte: 37, 47, 3.

Leo

Scucha tur loke ta rond di bo, tin hende cu tin mester di bo. Pasenshi den lo economico, no tin malo cu ta dura shen aña. Esforza y siña, no mara bo mes na bo tra-

ba di tur dia. Practica deportivo lo yuda bo canalisa bo energia. Number di suerte: 38, 31, 2.

Virgo

Si bo ta pensando pa caba cu bo relacion, hacie awo. Por fin bo ta topa cu un banco na bo nivel. Riba e plano profesional, bo salario lo aumenta. Bay un dokter, bo tin mester di un chequeo. Number di suerte: 26, 32, 8.

Libra

Bo ta confundi, bo ta sinti un pasion loco poco realista. Dia prospero pa bo economia. Lo tin mehoracion profesional. No gasta tanto energia of lo bo caba cansa. Number di suerte: 67, 42, 6.

Scorpio

Duda y miedo ta mal consehero pa amor. Awe ta un bon dia pa cera un negoshi substancioso. Bo popularidad na trabao ta debi na bo compañerismo. Alegria y optimismo ta drenta pa forma parti di bo bida. Number di suerte: 43, 54, 9.

Sagitario

Lo bo conoce un persona cu ta

mas bieu cu bo. Tin negoshi propio semper tabata bo ilusion, , cuminsa. Bon dia pa cuminsa cu un iniciativa laboral probechoso. Bo bon humor lo acelera bo recuperacion. Number di suerte: 42, 44, 1.

Capricornio

Lo bo keda fascina pa un hende cu nan lo presenta na bo. Renegosha bo seguro di cas of di auto. Cu e exceso di trabao lo bo nota cierto tension. Bo curpa ta funciona bon, pero no confia. Number di suerte: 15, 75, 1.

Acuario

Relacion di pareha ta den bon momento. No reprimi bo inversionnan p'e foutnan anterior. Scucha consejo di bo compañeronan. Probecha bo tempo liber pa relaha extensamente. Number di suerte: 32, 66, 4.

Piscis

Stabilidad sentimental. Ta un bon dia pa haci compras grandi. Sea responsabel na bo trabao, esey lo ta bo respaldo. Cuido cu ta brinda lo mantene bo den forma. Number di suerte: 81, 42, 5.

“Bon dia juffrouw” Ealeen


Recientemente maestro Ealeen Ferro Pimienta a lansa riba medionan social di Instagram y Facebook un pagina nobo yama “Bon dia, juffrouw”. Ealeen ta conta cu na 2019, el a termina IPA

como maestro di kleuter y a cuminsa traha na Scol Preparatorio Cayena. E scol aki tawata tambe su scol na cua el a core su pasantia den Grupo 2. E pasion pa educacion y principalmente di esun-

nan mas chikito, ta loke semper ta su motivacion. El a cuminsa cu hopi ambicion y motivacion p'e profesion aki.

Loke si el a ripara ta cu realidad por ta otro como cu e trabou tin basta reto. Sin embargo ta cu amor mester enfrenta esaki.

Pa por comparti experiencia cu futuro maestro y cu tur interesado, juffrouw Ealeen a lansa su pagina nobo “Bon dia, juffrouw”. Aki juffrouw Ealeen ta comparti entre otro idea di con pa stimula concentracion, con pa caba na tempo limite, con pa haya atencion completo dje klas



y tambe algun tips pa uzo di schrift y mas.

Tur hende ta cordialmente

invita pa bishita e pagina unico aki riba instagram y facebook.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

SABIDURIA DEN NOS ALEGRIA

Skirbi pa Ruth”Lady Ruth” Vrieswijk-Bergen



Ta dushi pa tende cu tin hende cu ta anticipa lesa e relatónan di Lady Ruth . E ta suavis e noticianan di polis of otro temanan un crenchi fastioso, pero cu ta importante pa pueblo wordo informa di nan. Danki pa e bon comentaronan di curason! Ta conosi cu nos ta gusta relata e.o. actividadnan social cultural of musical, cosnan positivo y alegre. Awe nos ta comparti di nos curason 2 actividad social cu a tuma lugar recientemente. Laga nos cuminsa cu e dushi fiesta na Modanza , cas di Mama Hortencia, mama di Vidente Valerie. Nos bon amiga y ruman Beautiful Lady Valerie a celebra su di 50 primavera cu su famia, bisinya, amigo-, y rumannan fiel di su grupo di Oracion durante un anochi bunita yen di strea y biento fresco na Modanza. Un shon di hende muhe, inspira semper cu un bunita curason. Cu mannan y curason bendiciona, den su bunita Sirbishi pa Hesus y Mama Maria cu atencion y amor pa su prohimonan. “Sly Foxx Disco” a percura pa e dushi ambiente musical y hopi a subi e pista di baile los e pianan y heupnan un crenchi, e.o. e bunita pareha Christa y Lourens, bon amigonan di Lucas y Valerie, disfrutando di bida. Un tiki mas laat e gran artista cantante Victor Samuel El Duque a duna Valerie un dushi serenata cu canticanan bunita alegre cu ta sigui inspira nos tur pa sigui goza di bida, el a canta cu e publico presente y crea mas dushi ambiente ainda cu e dushi wals di Padu “Abo so” . Valerie den su bistir largo elegante color blauw cu su bunita smile y su pareha e guapo Lucas a habri e pista di baile cu hopi amor y alegria , cu hopi gradicimento na nan curason pa cada bendicion . E tema bunita “Under the seas” cu decoracion di blaas y

center piecenan di cocolishi den santo blanco a luci y tambe e bolo elegante cu number 50 ariba dje. Henter anochi tur presente a saborea dushi snacknan cayente y friuw, salada den pan y dushi punch, sangria, un cerbes bon friuw, un glas di binya of un refresco y hopi mas, sirbi pa un team excelente di waitressnan. Lady Ruth a recita e poema cu ela inspira pa Valerie cu Valerie a gusta masha hopi mes . Un poema acrostico cu e nombernan Valerie y Lucas. Dave, ruman homber di Valerie a sinia Lady Ruth e pasonan di e baile bachata y despues di e “crash course” ey, nos tambe por baila bachata awor cu hopi alegria . E di dos actividad social, tawata e atardi cu nos a duna extra hopi atencion, amor y carino na nos mama, P. Mercedes Bergen-Tromp, nos Mayo, nos Mama, Swegra, Wela y Bisawela cu a cumpli e bunita edad di dobel ocho. Lady Ruth su unico nieta , nos prinses Lexie (na Hulanda) ta cumpli anja riba e mesun dia cu Mayo. Kemen,nos a celebra e Sweet Sixteen di Lexie y 88 di Mayo. E crenchi alzheimer no a stroba nos dushi y bunita Mayo su bon beis , ela come su pida bolo, bebe su juice, sinta den su rolstoel den veranda goza di e biento y solo, bista riba su hardin y wak autonan pasa. Mayo a hasta bisa algo hopi pret cu a pone tur hende hari na smak. Danki Tante Poppy y Orlando Jr. pa a comparti e dushi y bunita atardi aki cu nos. Danki Ronald y Mirla pa boso bishita di curason. Danki Papa y Roy pa boso amor y atencion. Danki na Orlando Jr., cu a mobilisa mama di cama pa rolstoel. (Despues di un stroke varios luna pasa, un di e pianan a keda afecta). Su beisnan por varia, e por zundra un crenchi , pero e ta suave y tierno tambe

cu combersacionnan cortico ainda di algun palabra. Nos ta stima nos Mama Mayo masha hopi mes y ta sigui duna Dios danki pa cada dia. “One day at a time”. E por lubida ken nos ta, pero nos nunca ta lubida ken nos bunita y dushi Mama ta. Ela gusta su kamber dorna cu potretnan di dje y di Papa di antes, y a goza tambe di a wak su arreglo di blaas cu e number 88. Nos a laga e kamber dorna pa full un siman y despues ruim op pa e no keda mucho druk. Den number di nos Mama Mercedes,(Chedy of Chely) nos a hiba un dushi bolo y botter di refresco pa su bunita amiga- y amigonan ayudante di Wit Gele Kruis cu na cabes lieve Sharlene y Liesbeth y nos a hiba tambe cheezecake pa su bunita Dr.di cas, e simpatico y profeshonal Dr. Sneek y su dos bunita asistentenan Liliana y Bea, kendenan semper ta cla pa atende cu receta of asistencia medico, consejo, bishita na cas, etc. cu amor y carino di nan curason profeshonal. Mama tin un bon team cu ta atende na cas tambe. Nos ta bendiciona. Dios ta bon. Dios semper ta bon. No ta facil pa atende y cuida un famia cu no por corda hopi cos mas y cu sa lubida ken e mes ta. Ta mas famia aki na Aruba ta pasa aden. Tur cos ta den man di Dios. Nos por duna di nos parti, pero ta Creador di Amor tin e ultimo palabra. Danki pa lesa nos relato. Un “bearhug” pa boso tur di Lady



Ruth. Hiep hiep hiep hoerraaa pa Vidente Valerie, Mercedes y Lexie !!! Cu bendicion di salud, forsa mental, emocional, spiritual, fisico y hopi mas sabiduria den nan alegria !

MARAVILLAS DE LA FE

Salud

Suerte - Amor

Aruba: 748-5671

Cartas di tarot

Bo ta sufrí di un malestar cu bo no por cura?
 Bo ta victima di bruheria?
 Bo plaka no ya jega?
 Bo compra numbernan y bo no ta gana?
 Bo ta bal casino y no puede tur bo plaka?
 Bo tin problemanan di amor?
 Bo pareja ta gañabo?
 Fracaso. Soledad. Malesanan angustia. Mala suerte
 Comunica na 748 5671



Demasiado junk food por causa daño cerebral duradero



E neurocientificonan di e Universidad di South Carolina (USC) na Merca, a descubri cu e consumo abundante d un dieta occidental, halto den vet y sucu, for di un edad trempan, por provoca problema duradero di memoria cerca animal di laboratorio.

"Loke nos ta mira (...) ta cu, si e djacanan aki a crece cu e dieta aki di junk food, e ora nan tin problema di memoria, cu no ta disparce," Scott Kanoski, profesor di USC, a splica. "Si simplemente ta somete nan na un dieta saludabel, e efectonan aki lamentablemente lo dura te na un edad adulto," el a agrega.

E concepcion di e investigacion
Desaroyando e estudio, Kanoski y su estudiante di postdoctorado, Anna Hayes, a tene na cuenta e antecedente cu e personanan cu ta sufri di e

malesa di Alzheimer tin e tendencia pa tin nivel mas abao di acetilcolina den e cerebro. E investigadonan ta considera cu esaki por ta debi cu e dietanan occidental ta altera e acetilcolina, un neurotransmisor cerebral clave implica den e retencion y funcion manera aprendisahe, atencion, excitacion y movimiento muscular involuntario.

E cientificonan a cuestiona riba e impacto cu e dietanan occidental por tin p'e personanan mas hoben cu por sigui un dieta similar, particularmente durante adolescencia, ora cu nan cerebro ta experimentando un desaroyo significativo.

E experimentonan
E investigadonan a rastrea e nivelnan di acetilcolina di un grupo di djaca cu un dieta di vet y sucu y den un grupo di control di djaca, analisando nan respons cerebral na cierto tarean-

an diseña pa test nan memoria.

E test a inclui laga e djacanan explora obheto nobo den diferente lugan. Algun dia despues, e investigadonan a reintroduci e djacanan n'e escena, cu tabata casi identico, cu excepcion p'e adicion di un obheto nobo. E djacanan cu a sigui e dieta di junk food a muestra señal cu nan no por a corda ki obheto nan a mira anteriormente, ni na unda, mientras cu esunnan di e grupo di control a muestra familiaridad.


Conclusion
Segun e cientificonan, nan estudio ta reforsa e importante vinculo entre e tripa y e cerebro. "E señalizacion di acetilcolina ta un mecanismo pa yuda nan codifica y recorda e eventonan aki, analogo n'e "memoria episodica" cerca e humanonan, cu ta permiti nos recorda evento di nos pasado," Hayes a subraya.

"E señal aki parece di no ta sosode cerca e animalnan cu a crece cu un dieta vet y sucu," el a añadi. E investigacion a wordo publica recientemente den e revista científico revisa p'e expertonan Brian, Behavior and Immunity.

Kanoski a enfatisa cu e adolescencia ta un periodo hopi sensibel p'e cerebro ora cu nan ta produciendo cambio importante den e desaroyo. "Mi no sa con pa bisa esaki sin zona manera Casandra y pesimismo," el a apunta, "pero desafortunadamente, algun cos cu por ta mas facilmente reversibel durante edad

adulto ta menos reversibel ora cu e ta sosode durante infancia," el a agrega.

Finalmente, e investigadonan a logra reverse e capacidad di memoria cerca e djacanan experimental cu remedi cu ta induci liberacion di acetilcolina, inyecta directamente den e hipocampus cerebral. Sinembargo, Kanoski ta señala cu tin mester di un investigacion mas amplio pa sa con por reverse e problemanan di memoria, causa pa un dieta di junk food durante adolescencia, sin tin mester di un intervencion medico asina special.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

Homber a wordo alcansa pa un auto dilanti Lekker na Noord



Noord - Diadomingo marduga algo pasa despues di 4'or auto ta alcansa un peaton dilanti Lekker Bar Restaurant.

Mesora polis y ambulance a wor-do poni na altura.

Na yegada polis ta topa un homber hoben boca abou y cu hopi sla na cabes y tawata sangra bastante. Mesora ta pidi pa ambulance yega mas lihe y alabes ta bay over na cera e area.

E auto cu a dal tawata eybanda mes y e chauffeur tambe. Lo ta trata di un auto Chevrolet. Mesora a detene e chauffeur y ta pidi transportwagen pa bay cu ne.

Na yegada di ambulance Para-mediconan mesora a cuminsa duna prome auxilio na e victima.















Specialista di trafico y tambe Slachtofferhulp a wordo solicita na e sitio. E vehiculo envolvi a wordo con-fisca.















Balente pa comete su fechoria, pero cobarde pa mustra su cara”



Diahuebs anochi despues di interogacion na oficina di recher-chenan cu ta atende cu casonan di inmoralidad, polis a hiba

e sospechoso aki pa warda di Santa Cruz unda ela keda de-teni envolvi den un caso hopi delicado.

<div></div> <div>Paardenbaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 21 April 2024 Merdia</div>		
<div></div> <div>Sorteo # 4245</div> <div>9506</div> <div>0724</div> <div>7137</div> <div></div> <div>X2</div> <div></div> <div>Sorteo # 4245</div> <div>5016</div> <div></div> <div>X2</div> <div></div> <div>Sorteo # 2301</div> <div>2488</div> <div></div> <div>Sorteo # 4245</div> <div>5201</div> <div>Scorpio</div> <div></div> <div>Sorteo # 1119</div> <div>046</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x All 12,00</div> <div></div> <div>04-06-16-21-29</div> <div>Sorteo # 6451</div> <div>0 x Jackpot</div> <div>5 x Match 4</div> <div>107 x All 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x All 500,00</div> <div>0 x All 50,00</div> <div>0 x All 15,00</div> <div></div> <div>Afl. 480.000,-</div> <div></div> <div>Sorteo #</div>	<div>Joker</div> <div>Letter</div> <div>Proximo Jackpot</div> <div>230.000,-</div> <div>Proximo Jackpot</div> <div>73.000,-</div> <div>Mega Ball</div> <div>Proximo Jackpot</div> <div>380.000,-</div> <div>QR code</div>

<div></div> <div>Paardenbaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 20 April 2024 Anochi</div>		
<div></div> <div>Sorteo # 8224</div> <div>5730</div> <div>9135</div> <div>4465</div> <div></div> <div>X2</div> <div></div> <div>Sorteo # 7268</div> <div>1491</div> <div></div> <div>X3</div> <div></div> <div>Sorteo # 1973</div> <div>7112</div> <div></div> <div>Sorteo # 6027</div> <div>6059</div> <div>Tauro</div> <div></div> <div>Sorteo # 957</div> <div>578</div> <div></div> <div>FP</div>	<div></div> <div>Sorteo # 2486</div> <div>0 x Jackpot</div> <div>0 x Match 4+</div> <div>7 x Match 4</div> <div>169 x All 12,00</div> <div></div> <div>12-18-23-29-30</div> <div>Sorteo # 6450</div> <div>0 x Jackpot</div> <div>5 x Match 4</div> <div>156 x All 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x All 500,00</div> <div>0 x All 50,00</div> <div>0 x All 15,00</div> <div></div> <div>Afl. 480.000,-</div> <div></div> <div>Sorteo #</div>	<div>03-10-11-15-17</div> <div>Joker</div> <div>29</div> <div>Letter</div> <div>G</div> <div>Proximo Jackpot</div> <div>230.000,-</div> <div>Proximo Jackpot</div> <div>70.000,-</div> <div>Mega Ball</div> <div>Proximo Jackpot</div> <div>380.000,-</div> <div>QR code</div>



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

Rycond do Nascimento:

PATRICK PASKEL SU IMPOTENCIA PERIODISTICO



Siman pasa Patrick Paskel tawata hopi rabia cu mi, pasobra e ta sinti cu e ta e Goliath di prensa y ningun hende tin nada di bis'e. Hustamente e arogancia ey ta pon'e sinti cu e ta mas cu Edmond Croes of Karel Arends. Pero na mes momento e arogancia ta hib'e na muestra su falta di etica periodistico y capacidad intelectual. Paso-bra, den su rabia y su impotencia pa reacciona riba contenido, el a confirma na henter su audiencia cu e t'ey pa manipula informacion pa AVP. Como cu mi a bin ta desenmascara e agenda criminal di AVP, ami a bira e David cu Patrick kier mata. Den esey el a hinca den su cabes cu Karel Arends ta e arma pa afecta ami. Pero, ni maske cuanto Patrick purba cambia mi rumbo, mi lucha ta keda contra e corrupcion cu aparentemente e kier defende.

Patrick kier haci yen curso con pa manipula su audiencia. Pero e no kier siña encuanto periodismo di calidad y e codigo di etica periodistico di e "Global Charter of Ethics for Journalists". Si Parick tin speransa pa un dia bira un periodista serio, e mester cuminsa bisti su bril di lesa pa wak bon kico hues ta bisa den e sentencia

di Benny den paragrafo 9, alinea 4 en adelante (yena "ECLI:NL:OGEAA:2023:7" riba rechtspraak.nl).

Hues ta cuminsa na splica cu el a keda proba legalmente y di forma convincente cu ex-minister Benny Sevinger ta culpabel di soborno pasivo, pasobra Benny a acepta regalo bao mesa pa regala patrimonio di pueblo. Hues tambe a menciona e tres persona cu a duna Benny regalo bao mesa. Despues di esey hues ta duna un tiki atencion na loke a pasa cu e fundacion politico di Benny, bisando cu Benny tambe ta culpabel de malversacion di un suma di Afl. 11.375,50. Benny a saca e suma aki di su fundacion politico y a uz'e pa asuntonan priva.

Siguiientemente hues a motiva e gravedad di e accionnan di ex-ministro Benny Sevinger. Hues ta splica cu ora Benny Sevinger a ricibi placa bao mesa pa regala patrimonio di pueblo, Benny a traiciona y a mina gravemente e confianza di pueblo den gobierno. Hues ta sigui splica cu e corrupcion di Benny ta daña e imagen di pais Aruba y cu e crimennan di Benny por tin un efecto economico negativo. Asina e crimennan cu Benny Sevinger a comete durante su ministerio y den su capacidad di minister ta mina henter nos sociedad. Hues ta sigui muestra cu no solamente Benny a abusa di su funcion pa haya regalo bao mesa, pero tambe el a abusa di su fundacion politico pa beneficio financiero personal. Benny Sevinger a haya ta bon pa haci su mes doño di e placa di e fundacion pa uzo priva. Cu otro palabra, ora bo cumpra carchi di BBQ di un partido politico, e placa ey ta pa campaña y no pa e politico of su casa djodjo cu e placa.

Asina hues ta yega na e conclusion cu e soborno ta asina grave cu hues ta haya cu solamente un castigo di prison incondicional ta adecua pa ex-ministro Benny Sevinger. P'esey hues a dun'e e castigo

di 1 año di prison, di cual 6 luna incondicional. Tambe hues a prohibi Benny di participa di eleccion pa cinco año largo, pasobra hues ta considera Benny un peligro pa e funcion di minister y di parlamentario.

Awo, compara loke hues ta bisa di Benny cu e palabranan di Patrick Paskel mes na e programa di Enfoke dia 4 di april 2024:

"(...) bo ta compronde cu nos tin algo sistematicamente robes den nos husticia? (...) Mira e caso di Benny Sevinger, ta un berguensa pa Ministerio Publico. (...) Gasta miyon... ainda e homber no a bay cera. (...) E hues a bisa: e unico cos cu bo a haci robes, Benny, ta pa gasta placa di bo fundacion, cumpra un pasashi pa bo señora. (...) Esey e ta. (...) E no ta un fout

cu el a haci den su trabao, e no ta un fout cu placa di pueblo, e no ta un fout como minister. Ta un fout di su politieke stichting. (...) Paul tambe, den tur e fandanga di Paul, nan a acusa Paul cu ... mi kier sa, el a cumpra un regalo pa Melany for di placa di su fundacion. (...) No mag, ok. Mi ta kere si Ministerio Publico tin gana di investiga bon, bay investiga tur stichting politico di tur partido. No di AVP so. Bay di MEP tambe, no."

Bo por check e riba YouTube na 1:02:37 en adelante.

Tanten Patrick Paskel sigui e rumbo aki di su impotencia periodistico, Enfoke ta keda un noticiero chimbo y Patrick mes e mucha manda di AVP, cu – na su turno – ta mustrand pa ta ladron den nos mesun cas.

PRONOSTICO DI TEMPO

**VALIDO TE DIALUNA 22 DI APRIL 2024,
18:00 ORA
TEMPO:**

**AWE TARDI Y AWE NOCHI: PARCIALMENTE
NUBLA
Y GENERALMENTE SECO
DEN MARDUGA Y MAYAN: PARCIAMENTE
NUBLA CU UN
AWACERO BREVE
TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 34 PA 39 GRADO CELSIUS
UV INDEX: 12
FENOMENONAN SPECIAL: MAYAN DIA 22 DI APRIL PA 12:38 PM, SOLO LO TA RECHT RIBA NOS CABEZ (DEN ZENITH) DEN SU MOVIMIENTO APARENTE PA NOORD.**

NA E MOMENTO EI LO BO TA PARA RECHT RIBA BO SOMBRA. INSTRALING OF INSOLACION NA E MOMENTO EI LO TA MAXIMUM. E FENOMENO AKI LO BOLBE RIPITI DIA 19 DI AUGUSTUS 12.43 PM, CAMINDA SOLO DEN SU MOVIMIENTO APARENTE PA ZUID LO TA ATROBE RIBA NOS CABES DEN ORANAN DI MERDIA.

**POTENCIAL DI AWACERO PA PROXIMO 24 ORA:
1 MM OF MENOS; LOCALMENTE ESAKI POR VARIA**

Clasificados

SOLODIPUEBLO@GMAIL.COM
CEL. 585 9500

Lo E seca tur lagrima for di nan wowo y morto lo no existi mas. Lo no tin nada di rouw, nada di yoramento, nada di dolor mas, pasobra tur cos di antes a bai. Revelacion 21:4

Cu hopi dolor y tristeza na nos curason y agradecido pa tur e bunita recuerdonan, nos ta anuncia fayecimento di nos esposo, tata, abuelo, ruman, swa, omo, primo y amigo stima:

Sr. Candido Jacobo Angela
Mihor conoci como “Coby of Cobito”
*11-10-1940 - †13-04-2024



Mayornan:
†Candido y Candida Angela

Na number di su:

Esposa: Elsa Angela - Geerman

Yiunan:
Debby y Jairo Trimon - Angela
Jorge y Mariska Angela - Wensveen
Jeritza y De Flanegin - Angela
Natie Angela y Mathijs van den Berg

Nieta(o)nan:
Lisa Strörmann - Angela
Rick - Giovanni - Dani Angela
Cedrick - Shen Flanegin
Samantha - Dimitri Angela

Rumannan:
Rica Angela
Beta Angela
Betty Angela
Ada Angela y Lorenzo Maldonado
Mai Angela

Manera ruman:
Rory Arends

Un danki special na e verzorgersnan di Welthuis Buytenhaghe cu a atende Coby den e delaster añanan.

Tur su sobrino y sobrinanan, primo y primanan, ihanan, bisiña y amistadnan den mundo di deporte y musica y demas famia:

Angela - Geerman - Croes - Flanegin - Trimon - Wensveen - van den Berg - Strörmann - Arends - Luydens - Ras - Rasmijn - Lacle - Marchena - Coutinho - Franken - Lampe - Ruchtie - Laarakker - van der Doef - Irausquin - Unlü - Hamilton - Woonings - Ashraf - Kock - Wever - Adames - Dossier - Suarez

Ta invita demas famia, amigo(a)nan y conocirnan pa asisti na e acto di entierro cual lo tuma lugar diamars 30 di april 2024 di 9 or pa 11or di mainta na misa Inmaculada Concepcion na Santa Cruz. Despues lo sali pa santana catolico di Santa Cruz.

Nos ser stima lo ta reposa for di 9or di mainta na misa.

Nos disculpa si den nos tristeza nos por a lubida algun familiar of conocir.

Alabes nos kier a participa cu lamentablemente nos no lo por risibi bishita di condolencia na cas.